

YANGI O'ZBEKISTON

Ijtimoiy-siyosiy gazeta

№ 152 (1213), 2024-yil 31-iyul, chorshanba



www.yuz.uz



yuz.uznews



yuz_official



yuz.uz_news



yuz



DO'STLIK, AHILLIK E'ZOZLANGAN YURT

Davlatimiz rahbari tashabbusi bilan mamlakatimizda 30-iyul — Xalqlar do'stligi kuni sifatida keng nishonlanmoqda. Do'stlik festivali doirasida poytaxtimizda "Xalqlar do'stligi" ko'krak nishonini topshirishga bag'ishlangan tantanali tadbir bo'lib o'tdi.

Mazkur tadbirda Millatlararo munosabatlar va xorijiy mamlakatlar bilan do'stlik aloqalari qo'mitasi mutasaddilari, milliy madaniy markazlar faollari, keng jamoatchilik vakillari, ijodkor ziyolilar ishtirok etdi.

O'zbekiston Respublikasi Prezidenti Shavkat Mirziyoyevning Xalqlar do'stligi kuni munosabati bilan tabrigini O'zbekiston Respublikasi Prezidenti Matbuot kotibi Sherzod Asadov o'qib eshittirdi.

Ta'kidlanganidek, yangi O'zbekistonni

barpo etishda millatlararo do'stlik va ahillik, hamjihatlikni ta'minlash masalasiga ustuvor ahamiyat qaratilmoqda.

Darhaqiqat, mamlakatimizda azaldan do'stlik, birodarlik, ahillik oliy qadriyat sifatida e'zozlangan. Bugun yangilanayotgan yurtimiz rivojiga hissa qo'shishda turli millat va elat vakillarining yagona, ahil oila farzandlaridek mehnat qilayotgani, fidoyilik ko'rsatayotgani e'tiborga molik.

Tadbirda sana munosabati bilan bir guruh hamyurtlarimizga "Xalqlar do'stligi" ko'krak nishonini Millatlararo munosabatlar va xorijiy mamlakatlar bilan do'stlik aloqalari qo'mitasi raisi Rustam Qurbonov topshirdi.

— O'zbekistondan mehridaryo diyori yer kurrasining hech qaysi joyida yo'q, — dedi O'zbekiston Milliy teleradiokompaniyasining

"Do'stlik" studiyasi katta muharriri Zamira Jiyanova. — Shu zaminda o'sib, ulg'aydim, oila qurdim. Men o'zimni doim o'zbek deb his etaman. Chunki O'zbekistonimizda millat ajratish degan tushunchaning o'zi yo'q. O'zbekiston fuqarosi ekanimdan, shu tabarruk yurtning farzandi ekanimdan behad faxrlanam. "Xalqlar do'stligi" ko'krak nishonini mamlakatimizda hamjihatlikni mustahkamlash borasidagi ishlarga o'z hissamizni qo'shishga yanada ko'proq ruhlantiradi.

— Barcha millat va elat qatori turkman diasporasining ham huquq va manfaatlarini ta'minlashga katta e'tibor qaratilmoqda, — dedi Respublika turkman milliy madaniy markazining Surxondaryo viloyati bo'limi rahbari Ergash Avazov. — Mamlakatimizdagi barcha milliy madaniy markazlar faoliyatiga katta e'tibor va

g'amxo'rlik ko'rsatilmoqda. Milliy madaniy markazlar ishini amaliy jihatdan qo'llab-quvvatlash uchun davlatimiz tomonidan grantlar, subsidiyalar ajratilmoqda. Bularning bari yanada samarali ishlashga undaydi.

Mukofotlanganlar mamlakatimizda osoyishtalik, millatlararo do'stlik va hamjihatlikni mustahkamlash borasidagi ezgu tashabbuslar uchun davlatimiz rahbariga minnatdorlik bildirdi.

Tantanalni tadbirda O'zbekiston Respublikasi Prezidenti maslahatchisi Muzaffar Komilov, O'zbekiston Respublikasi Prezidenti Administrasiyasi Ijtimoiy rivojlanish departamenti rahbari Odil Abdurahmonov ishtirok etdi.

Nazokat USMONOVA,
O'ZA muxbiri

Mehrlı siyosat

BUGUN ULAR CHORASIZ EMAS...

Prezidentimizning "O'zbekiston Respublikasi davlat mustaqilligining o'ttiz uch yillik bayramiga tayyorgarlik ko'rish va uni o'tkazish to'g'risida"gi qarori bilan tanishayotib, beixtiyor hurriyatning mohiyati nima, ozod odam qanday bo'ladi, degan savolga javob izladim. So'ng ko'z oldimga olis qishloqning tongi manzarasi keldi.



Quyosh nuri uzoqdagi cho'qqilar boshini silaydi. Sayroqi to'rg'aylar bir maromdagi xonish bilan tongni qarshi oladi. Pishib yetilgan meva hidi dimoqqa uradi. Hali sigir sog'ilmagan. Ochiqqan buzoq mo'rab, hovlini boshiga ko'taradi. Bu vaqtda qishloqda kimdir ketmonini ortmoqlab dala tomon

yo'rg'alaydi. Boshqa biron pichan o'rish uchun o'roq charxlaydi. Ko'cha boshida mol haydab chiqqan bolalar kulgisi yangraydi. Qiyomli qishlog'ining tongi shunday otadi.

Davomi 3-beta

Dolzarb mavzu

EKSPORTDAGI MUAMMOLAR

"O'qlangan" mahsulotlardan qachon voz kechamiz?

Dehqon yoki tadbirkor tovarini eksport qilish ortidan ichki bozordagidan ko'ra, bir necha barobar ko'p daromad topadi. Faqat buning uchun yo'l-yo'rig'i, tartib-tamoli, chet el bozori talablarini bilishi kerak. Keyingi yillarda yurtimizda bu borada yaxshigina tajriba to'planib, mahalliy eksportchilarimiz soni 7,5 mingdan oshdi. Bir necha o'n yillar davomida sanoqli davlatlardan tashqariga chiqqan o'zbek mahsulotlari bugungi kunga kelib, alohida brend sifatida hatto Yevropa davlatlari va okean ortiga kirib bormoqda.

Eksport uchun qancha ko'p bozor ochilsa, hajm ham shunga yarasha o'sib boraveradi. Birgina misol, o'tgan yili tovar va xizmatlar eksporti hajmi 2022-yildagidan 4,5 foiz o'sgan. Boshqa sohalarda ham doimiy o'sish kuzatilyapti. Joriy yil boshidan buyon tarmoq va hududlar 8,7 milliard dollarlik mahsulotini chetga sotgan. Mazkur davrda meva-sabzavot va oziq-ovqat mahsulotlari eksporti 910 million dollarni tashkil qildi.

Natijalar oshib borishi tabiiy. Chunki boshqa sohalarda qatori eksportda ham faqat o'sishga erishish maqsad qilingan. Buning

uchun ko'plab loyihalar, sa'y-harakatlar amalga oshirilmoqda.

Shu yilning 17-iyul kuni davlatimiz rahbari raisligida iqtisodiy o'sish sur'atlarini ta'minlash yuzasidan birinchi yarim yillikda amalga oshirilgan ishlar va kelgusi vazifalarga bag'ishlab o'tkazilgan videosektor yig'ilishida ham bu alohida ta'kidlandi. Yil yakunigacha reja qilingan eksportni ta'minlash uchun birinchi galda qayta ishlangan mevasabzavot eksportini keskin ko'paytirish kerakligi ko'rsatib o'tildi.

Davomi 4-beta



SOKIN DARYONING JO'SHQIN OQIMI



6

"YANGI O'ZBEKISTON" MASSIVI
YASHASH UCHUN QULAY MANZIL

Bunyodkorlik

Berdiquil ota Navoiy viloyatining olis Zarafshon shahrida uzoq yillar konchilik sohasida mehnat qildi. Nafaqaga chiqqach esa farzandlari qo'ymay viloyat markaziga ko'chirib olib ketdi. Bu hududga o'z gacha mehr qo'ygan ota boshida bir oz qiyalsada, keyinchalik ko'nikdi. Ammo ko'p ajib xotiralari shu shahar bilan bog'langan. Biroq arziqli bir bahona yoki sabab bo'lmagani uchun uch-to'rt yil shaharga kelolmadi. Yaqinda birga ishlagan hamkasbi nevara to'yiga aytganida, hech ikkilanmay yo'lga tushdi. Bahonada birga ishlagan qadrdonlarini ham ko'rib qaytadi.

Davomi 2-beta



Parvoz

QIZLARIMIZNING QADRI BALAND, YUZI YORUG' BO'LAVERSIN!

Odamlar bilan gurunglashsangiz, mahalladagi jamiki yangiliklardan boxabar etishadi. Kim umraga borib keldi, kim yangi uy solyapti, kim mashina oldi... Darvoqe, keyingi paytda qishloqda ham o'qimishli, yaxshi kelin topish kun mavzusiga aylanibdi. Bo'y yetgan o'g'li borki, "Tanishlarning bari o'qigan, yaxshi qizlar bo'lsa, aytimg", deydi. Orzuga ayb yo'q, biroq maktabni zo'rg'a tamomlab, muhojirlikda ishlashga ketgan o'g'illariga ham loqal hamshira kelin olishni istayapti odamlar. Qolganlarni qo'yaverimg.

Albatta, institutda o'qiyotgan qiz bo'lishi kerak. 1-kursmi, 2-kursmi, bo'laveradi, o'zlarini o'qitib oladi. Davlatnikidami, xususiy oliygo'dami, buni ham bir qiziqib qo'yishadi. Davlat oliygo'hlari-da o'qiyotgan bo'lsa, berdi xudo, xususiyda bo'lsa ham yomon emas. Nima bo'lganda ham o'qiyapti ekan, bitirib ishlaydi-da baribir, diplom davlatniki bilan bir-ku, deyishadi.

Bu gaplarning baridan quvonib ketasan. Xayriyat, biror yerda o'qigan, ayniqsa,

oliy ma'lumotli qizlarning "qiymati" yildan yilga oshib boryapti. "IELTS"ni bor qizlarning uyidan sovcilarning keti uzilmay, onalari qayoqqa qochishini bilmay qolganmish. Bugun oliy ma'lumotli qizlar oilani muqaddas bilishi, farzand tarbiyasida ham to'g'ri yo'l tutishini davrning o'zi ko'rsatib qo'ydi.

Davomi 5-beta



Sardor TOLLIBOYEV,
“Yangi O‘zbekiston” muxbiri

Boshlanishi 1-betda

Azonlab Otabek Choriyevning darvozasi taqillaydi. Uy egasi kelgan kishining kimligini oldindan taxmin qiladi. Jussasining bor og‘irini qo‘ltaqtayog‘iga tashlab, darvoza tomon odimlaydi. Taxmini to‘g‘ri chiqdi: kechagi odam buyurtmasini olib ketishga kelibdi. Otabek aka kecha tayyorlangan libosni egasiga topshirib, hovlisi burchagidagi ishxonasi tomon yuradi. Borib, buyurtma kiyim tikib o‘tirgan ayoli va atrofida chir aylanib, sho‘x va jarangdor ovozi bilan kecha yodlagan she‘ri ayib berayotgan qiziga deraza osha bir muddat termiladi. U yashash shukuhini, kelajakka ishonchini shu mehnati va qizi ortidan ko‘radi.

— Umr yo‘li odam istaganidek doim ham bir tekis, ravon bo‘lmas ekan. Maktabda a‘lo bahoga o‘qirdim. O‘n ikki yoshda otamdan ayrildim. Onam va olti uka-singlim bilan hayotning achchig‘ini ham tatishga to‘g‘ri keldi. Savdog qiziqishim tufayli oldi-sotdi bilan shug‘ullanardim, — deydi urgutlik Otabek Choriyev. — Birin-ketin singillarimni uzatib, ukalarimni uyli-joyli qildim. O‘zim ham uy-joy qurdim. Taqdir taqozosi bilan 2018-yili oyog‘imdan o‘simta chiqib, to‘shakka yotib qoldim. Ahvol shu darajaga yetdi, oyog‘imdan ayrilib yashashga umidim deyarli so‘ndi.

Ko‘chadan rizqi qiyilgan oilaning yagona boquvchisi uchun bunday qiyin vaziyatdan chiqib ketish oson bo‘lmadi. Bu haqda bir oz keyin to‘xtalamiz.

Mamlakat taraqqiyoti — jamiyatning birdamligiga bog‘liq hodisa. Shu bois, xalqimizni “Bir bo‘lsak — yagona xalqmiz, birlashsak — Vatanimiz!” degan bosh g‘oya atrofida jamlash siyosati yuritilmoqda. Inson qadri ulug‘lanishi, huquq va manfaatli himoya qilinishi ijtimoiy davlatning asosiy tamoyilidir. Bugun mamlakatimizda xuddi shunday mehri siyosat ustuvor. Yangilanish sa‘y-harakatlari haqli ravishda xalqparvar jamiyat qurish yo‘lidagi tarixiy ishlar, deya e‘tirof etilmoqda.

Ma‘lumotlarga ko‘ra, O‘zbekistonda nogironligi bo‘lgan 989 ming shaxs bor. Bu jami aholining 2,6 foiziga to‘g‘ri keladi. Endi o‘z-o‘zidan savol tug‘iladi: bu insonlarning yashash tarzi, turmush sharoiti qanday? Ular bugun jamiyatning to‘laqonli a‘zosiga, yashash tarzini belgilab, imkoniyatini ishga sola olayaptimi?

Inson ba‘zan o‘tib bo‘lmas dovonlar bilan yuzlashsa, ba‘zan adog‘i yo‘q sinovlar

qarshida ojiz qoladi. Bunday vaziyatda inson qadri yuksalgan joylarga talpinish hissi har kimda tug‘iladi. Qadimdan bugungacha davlat taraqqiyotidagi ma‘naviy va iqtisodiy yuksalishning asosiy belgilari sifatida teng huquqlilik, umummanfaatiga xizmat qiladigan qonunlar ustuvorligi, moddiy va ma‘naviy yetuklik muhim o‘rin tutib kelgan.

Bugun dunyo murakkab siyosiy inqiroz yoqasida. Bu inson kamolotiga xalal beradigan omillar keltirib chiqarayotir. Shunday qaltis pallada davlatlar oldida ijtimoiy tenglikni barqaror saqlashdek muhim gumanitar vazifa turibdi.

Xo‘sh, “ijtimoiy tenglik” tushunchasi amalda ham barcha joyda qaror topmoqdami? Dadil aytish mumkin: yangi O‘zbekiston siyosatida hech bir fuqaro e‘tibordan chetda qolmaypti. Bu g‘amxo‘rlik hayotda ifodasini topmoqda. Yangi tahrirdagi Konstitutsiyamizda “Yangi O‘zbekiston — ijtimoiy davlat” tamoyili belgilangani bejiz emas. Ijtimoiy davlat mehvarida inson qadri ulug‘lash g‘oyasi turadi. Bu g‘oya zamirida esa har bir fuqaroning haq-huquqlari

“ Ikkita tikuv mashinasi bilan nima ham o‘zgarardi, deysizmi? Aksariyat hollarda jamiyatda uchraydigan ayrim muammolar to‘g‘ri va o‘z vaqtida yo‘naltirilmagan yondashuv ortidan kelib chiqadi. Otabek aka kabilarning turmush tarzi yaxshilanishida o‘z vaqtida to‘g‘ri yo‘nalish belgilab olingani muhim.



Bir qaraganda odam baxtli bo‘lishi uchun u qadar ko‘p narsa kerak emasdek tuyuladi. Sababi, har bir odamga hayoti davomida boshiga tushgan sinovlarda yonida yelkadosh bo‘ladigan tizim yaratilsa va u odamlarga umid bera olsa, jamiyatni katta bir ishonch belbog‘dek birlashtirib turadi.

inqiroz bilan yuzlashayotgani davlatlar oldiga muhim vazifalar qo‘ymoqda. Bunday vaziyatda “hunari yo‘q kishidan bigizi bor yamoqchi yaxshi”, degan maqolning ahamiyati orisa ortadiki, aslo kamaymaydi. Kasb farovon turmush kafolatidir.

Jismoniy jihatdan sog‘lom, hunarli kishilar jamiyatning faol a‘zosi bo‘lishi, iqtisodiy jihatdan o‘zini tiklab olishi ancha oson kechadi. Ammo imkoniyati cheklanganlarda ish-sizlik masalasini hal etish juda murakkab. Ancha yillar oldin qo‘lida hunari bor imkoniyati cheklanganlarning ishlashini ko‘z oldimizga keltirish qiyin masala edi.

Ular butun umr odamlarning achingannamo nigohiga qarshi kurashib yashardi. Davlat ajratgan nafaqa puli faqat kun ko‘rishga yetardi. Mana shunday og‘ir sharoitda nogironligi borlar farzandlari istiqbolini o‘ylardi. Aksiga olib, xayollari nuqli ishonchsizlik sari yetaklardi. Bunday o‘ydagi odam qanday qilib bolalarini kelajakka ishontrishi, yaxshi hayot haqida so‘z ochishi, orzu qilishi mumkin?!

Bu gaplarni bugun osongina aytyapmiz. Ammo qanchalab odam mana shunday kuchli ruhini bosim ostida yashaganini bilamizmi? Prezidentimiz “Ijtimoiy himoya faqat pul berish bilan cheklanib qolmoqda. Aslida, bu tizimning vazifasi aholini og‘ir ahvoldan chiqarish va jamiyatda o‘z o‘rnini egallashi uchun ko‘mak berishdan iborat bo‘lishi kerak”, deya tashabbus bildirdi. Shu bir gap ko‘plab insonlarning, xususan, imkoniyati cheklanganlarning turmushiga fayz kiritish uchun muhim qadam bo‘ldi.

O‘tgan yili Ijtimoiy himoya milliy agentligi tashkil etilgani ijtimoiy himoyaga muhtoj qatlam yukini ancha yengil qilib, qaytadan hayot boshlashiga ko‘mak bermog‘da.

— Avval kam ta‘minlangan oilalarni ijtimoiy himoya qilish deganda faqat ijtimoiy nafaqa bilan ta‘minlash tushunilgan. Endi biz bandlik va ijtimoiy himoya dasturlarini integratsiya qilish orqali ehtiyojmandlarni og‘ir ijtimoiy ahvoldan chiqarish choralarini ko‘ryapmiz, — deydi Ijtimoiy himoya milliy agentligi direktori Mansurbek Olloyorov. — Jumladan, “kam ta‘minlangan” deb e‘tirof etilgan oilalarning mehnatga layoqatli

ishsiz a‘zolari bandleğini ta‘minlash maqsadida “mahalla yetiligi” tomonidan shaxsning ishsizlik sabablari va ishlash imkoniyati o‘rganib borilmoqda. Ular imkoniyatidan kelib chiqib, har bir ishsiz fuqaro uchun individual dasturlar ishlab chiqilmoqda. Ushbu dastur asosida fuqarolar bandleğini ta‘minlash choralari ko‘rilmoqda. Shuningdek, 2021-yilda ratifikatsiya qilingan “Nogironlar huquqlari to‘g‘risida”gi konvensiya qoidalari ijrosini ta‘minlash maqsadida mamlakatda nogironligi bo‘lgan shaxslar bilan ishlash bo‘yicha butkul yangi tizim joriy qilinmoqda. Xususan, nogironlik belgilangan vaqtdan boshlab, bir vaqtning o‘zida muhtoj shaxslarga ijtimoiy, psixologik, tibbiy reabilitatsiya, protez-ortopediya mahsulotlari bilan ta‘minlash yo‘nalishida aniq vazifalar belgilanadi. Mutaxassislarimiz hududlarda bu bo‘yicha ishlamoqda.

Yuqorida Otabek Choriyevning hayot yo‘li haqida gap boshlagan edik. Yoshligidan libos tikishga layoqatli bu insonning turmushi izga tushishi uchun Ijtimoiy himoya agentligi qo‘llab-quvvatlovi tufayli tuman hokimligidan ikkita tikuv mashinasi berildi.

— Qishloq odamlari kiyim tikirish uchun kun ora kelib turadi. Ko‘ylakni turiga qarab har xil narxda tikamiz, — deydi qahramonimiz. — Bugungacha yuzlab shogird tayyorladim. Bisqasi, elning koriga yarab turibmiz.

Ikkita tikuv mashinasi bilan nima ham o‘zgarardi, deysizmi? Aksariyat hollarda jamiyatda uchraydigan ayrim muammolar to‘g‘ri va o‘z vaqtida yo‘naltirilmagan yondashuv ortidan kelib chiqadi. Otabek aka kabilarning turmush tarzi yaxshilanishida o‘z vaqtida to‘g‘ri yo‘nalish belgilab olingani muhim.



— Bu yil hosil mo‘l. Nasib qilsa, bozorga olib chiqamiz. Ba‘zan xaridorlar uydan ham olib ketishadi, — deydi Otabek aka tabassum bilan.

“O‘zbekiston — 2030” strategiyasida nogironligi bo‘lgan ehtiyojmand shaxslarni sifatli va zamonaviy protez-ortopediya buyumlari bilan ta‘minlash darajasini 100 foizga yetkazish vazifasi belgilangani ham ushbu insonlarning hayotiga o‘ziga xos shukuh ulashdi.

— Bir necha yillar oldin baxtsiz tasodif tufayli bir oyog‘imdan ayrildim. Avvaliga protez masalasida yordam so‘rab bir necha tashkilotga murojaat qildim. Sababi uni har yili almashtrishni cho‘ntak ko‘tarmasdi. Boz ustiga qo‘yilgan protezning oyoqqa mos tushishi yana bir masala edi, — deydi samarqandlik Bekzod Hamroyev. — Hozir davlat tomonidan bepul berilmoqda. Ayniqsa, o‘lchovi to‘g‘ri olingan. Har yili almashtrishga ham to‘g‘ri kelmaydi.

Bir qaraganda odam baxtli bo‘lishi uchun u qadar ko‘p narsa kerak emasdek tuyuladi. Sababi, har bir odamga hayoti davomida boshiga tushgan sinovlarda yonida yelkadosh bo‘ladigan tizim yaratilsa va u odamlarga

umid bera olsa, jamiyatni katta bir ishonch belbog‘dek birlashtirib turadi.

Shuningdek, strategiyada nogironligi bo‘lgan shaxslarni munosib ish bilan ta‘minlash, bandleğini ikki barobar oshirish, reabilitatsiya xizmatlari bilan to‘liq qamrab olish, “To‘siqsiz turizm” dasturi doirasida yiliga har bir viloyatdan nogironligi bo‘lgan ming nafardan kishining Samarqand, Buxoro va Xivaga bepul sayohatini uyushtirish ko‘zda tutilgan.

Bugungi islohotlar eng quyi tizimgacha yetib borayotir. Ayniqsa, mahallabay ishlash tizimining takomillashuvi aholi turmush tarzini yuksaltirishga xizmat qilmoqda. Masalan, ijtimoiy xodim mahallani besh qo‘lday bilishi kerak. Hududda qancha kishi yashashi, bandleğini, ijtimoiy ahvoli, turmush darajasi haqida to‘liq ma‘lumotga ega bo‘lishi zarur. Qisqasi, ularning haq-huquqlarini himoya qilib, davlat tomonidan kafolatlangan xizmatlarni olishiga ko‘maklashadi. Ayni paytda ular og‘ir vaziyatga tushgan oilalar muammolarini o‘rganish bilan cheklanib qolmaydi. Balki mana shunday vaziyatdan chiqib ketish uchun xonadonlarning kuchli jihatalarini o‘rganadi, qo‘llab-quvvatlaydi. Bunday yondashuv insonlarga ulkan ishonch va tuganmas quvvat beradi. Ishonch orqali harakatga kelgan kishi esa jamiyat hayotida faol ishtirokchi bo‘ladi.

Ijtimoiy himoyaga muhtojlarning jamiyatda faol bo‘lishiga ham qulay imkoniyat yaratilmoqda. Xususan, joriy yil 20-fevralida davlatimiz rahbari raisligida o‘tkazilgan videoselektor yig‘ilishida budjet

O‘zbekistonda nogironligi bo‘lgan 989 ming shaxs bor. Bu jami aholining 2,6 foiziga to‘g‘ri keladi. Endi o‘z-o‘zidan savol tug‘iladi: bu insonlarning yashash tarzi, turmush sharoiti qanday? Ular bugun jamiyatning to‘laqonli a‘zosiga, yashash tarzini belgilab, imkoniyatini ishga sola olayaptimi?



